

VENDIM
Nr. 21, datë 18.4.2016

PËR SHPALLJEN E THIRRJES SË DYTË PËR FINANCIMIN E PROJEKTEVE, NGA GRANTI “INFRASTRUKTURA VENDORE DHE RAJONALE”, PROGRAMI I ZHVILLIMIT TË INFRASTRUKTURËS VENDORE DHE RAJONALE, SHTYLLA I, PËR VITIN 2016

Në mbështetje të nenit 100 të Kushtetutës dhe të nenit 15 e të aneksit 3, të ligjit nr.147/2015, “Për buxhetin e vitit 2016”, Komiteti për Zhvillimin e Rajoneve

VENDOSI:

1. Shpalljen e thirrjes së dytë, për vitin 2016, drejtimi “Stimulimi i zonave dhe poleve potenciale, cluster zhvillimi”, për financimin e projekteve nga Fondi për Zhvillimin e Rajoneve, sipas shtyllave, programeve dhe granteve të financimit, si më poshtë vijon:

1.1 Granti 1: “Infrastruktura vendore dhe rajonale”, Programi i Zhvillimit të Infrastrukturës Vendore dhe Rajonale, shtylla I, pjesë e Fondit për Zhvillimin e Rajoneve, për vitin 2016, në vlerën 3 330 000 000 (tre miliardë e treqind e tridhjetë milionë) lekë.

1.2 Drejtimit e thirrjes së dytë, kriteret e aplikimit dhe financimit, detajohen në aneksin 1, dhe shtojcat 1, 2 dhe 3, bashkëlidhur këtij vendimi

2. (Ri)shpalljen e thirrjes për drejtimin “Kohezioni territorial dhe zhvillimi rajonal”, duke qenë se në thirrjen I të projekteve të zhvillimit rajonal, për vitin 2016, sekretariati teknik nuk propozoi projekte për financim, nga aplikimet e paraqitura. Financimi i projekteve për këtë drejtim, nga Fondi për Zhvillimin e Rajoneve, për vitin 2016, bëhet sipas shtyllave, programeve dhe granteve të financimit, si më poshtë vijon:

2.1 Granti 1: “Infrastruktura vendore dhe rajonale”, Programi i Zhvillimit të Infrastrukturës Vendore dhe Rajonal, shtylla I, pjesë e Fondit për Zhvillimin e Rajoneve, për vitin 2016, në vlerën 500 000 000 (pesëqind milionë) lekë.

2.2 Drejtimit e thirrjes së dytë, kriteret e aplikimit dhe financimit, detajohen në aneksin 2, dhe shtojcat 1, 2 dhe 3, bashkëlidhur këtij vendimi

3. Detajimin e kalendarit të aktiviteteve për shpërndarjen e grantit 3: “Mbështetje për ekonominë dhe masa të tjera”, sipas aneksit 3, bashkëlidhur këtij vendimi. Vlera e grantit 3, thirrja e parë, për vitin 2016, është në vlerën 500 000 000 (pesëqind milionë) lekë.

4. Ngarkohen ministri i Zhvillimit Urban, ministri i Shtetit për Çështjet Vendore, Agjencia për Zhvillimin Ekonomik e Rajonal, dhe ministri i Financave, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYETARI
Niko Peleshi

Zëvendëskryeministri	Zëvendëskryetar,
Ministri i Financave	anëtar,
Ministri i Zhvillimit Ekonomik, Turizmit,	
Tregtisë dhe Sipërmarrjes	anëtar
Ministri i Zhvillimit Urban	anëtar,
Ministri i Transportit dhe Infrastrukturës	anëtar,
Ministri i Arsimit dhe Sportit	anëtar,
Ministri i Bujqësisë, Zhvillimit Rural dhe	
Administrimit të Ujërave	anëtar,
Ministri i Shëndetësisë	anëtar,
Ministri i Kulturës	anëtar,
Ministri i Mjedisit	anëtar,
Ministri i Punëve të Brendshme	anëtar,
Ministri i Shtetit për Inovacionin	
dhe Administratën Publike	anëtar,
Ministri i Shtetit për Çështjet Vendore	anëtar,
Kryetari i Shoqatës së Qarqeve të Shqipërisë	anëtar,
Kryetari i Shoqatës së Bashkive të Shqipërisë /	
Përfaqësuesi i Bordit të Agjencisë për Zhvillim Rajonal nr.1	anëtar,
Kryetari i Shoqatës për Autonomi Vendore /	
Përfaqësuesi i Bordit të Agjencisë për Zhvillim Rajonal nr.2	anëtar,
Përfaqësuesi i Bordit të Agjencisë për Zhvillim Rajonal nr.3	anëtar,
Përfaqësuesi i Bordit të Agjencisë për Zhvillim Rajonal nr.4	anëtar.

ANEKSI 1:

DREJTIMET DHE KRITERET E APLIKIMIT DHE FINANCIMIT PËR THIRRJEN II, DREJTIMI “STIMULIMI I ZONAVE DHE POLEVE POTENCIALE, (“CLUSTER”) ZHVILLIMI”, Granti 1: “Infrastruktura vendore dhe rajonale”

1. Drejtimi i I, i thirrjes së dytë për financim është për:

- a) Zhvillime infrastrukturore brenda një zone të caktuar, të një qyteti (zonë urbane apo rurale), duke përfshirë projekte si, pazare, shëtitorë, bulevarde, sheshe, zona rrotull kalave e monumenteve, lulishte, parqe urbane, zona të hapura rekreative, qendra të reja (dytësore), ndërhyrje polifunksionale në zona (grupe funksionesh) me interes, në funksion të karakterit policentrik të qytetit, fshatra dhe grupe fshatrash me potencial turistik dhe agroturizëm (natyror e historik), duke ndërhyrë në ndërtimin e udhëve, shesheve, sistemeve të ndriçimit, sinjalistikës, etj.

1.1. Vlerat “tavan” të financimit dhe/ose bashkëfinancimit, për aplikimin dhe financimin e projekteve, janë si më poshtë vijojnë:

- a) Për njësitë e qeverisjes vendore, me popullsi deri në 50,000 banorë, vlera e financimit do të jetë, jo më shumë se 150 000 000 (njëqind milion) Lekë për projekt. Listën e njësive të qeverisjes vendore, që janë brenda këtij niveli të popullsisë, e dërgon pranë sekretariatit teknik në Ministrinë e Zhvillimit Urban, Ministria e Shtetit për Çështjet Vendore.
- b) Për njësitë e qeverisjes vendore me popullsi mbi 50,000 banorë vlera e financimit do të jetë, jo më shumë se 400 000 000 (katërqind milion) Lekë për projekt.
- c) Për Bashkinë e Tiranës, vlera e financimit do të jetë jo më shumë se 700 000 000 (shtatëqind milion) Lekë për projekt.

2. Drejtimi i II, i thirrjes së dytë për financim është për:

- a) Investime në infrastrukturën e lokale (rrugore/ndriçim publik, zona të shërbimit të varrimit, zona informale).

2.1. Vlerat “tavan” të financimit dhe/ose bashkëfinancimit, për aplikimin dhe financimin e projekteve, janë si më poshtë vijojnë:

- 3. Për projektet e tipit “rrugë” (infrastrukturë rrugore), vlera e financimit do të jetë, jo më shumë se 150 000 000 (njëqind e pesëdhjetë milion) Lekë për

projekt¹. Aplikimi për financimin e projekteve të përmendura në pikën 1 dhe pikën 2, të këtij Aneksi, bëhet nga njësitë e qeverisjes vendore.

4. Vlera e grantit për financimin e projekteve të thirrjes II, për vitin 2016, të grantit për infrastrukturën vendore dhe rajonale, është:

- a) Granti i miratuar, sipas vendimit nr.1 i KZHR, datë 04.02.2016 “Për përcaktimin e buxhetit e të drejtimeve prioritare të fondit për zhvillimin e rajoneve dhe kalendarit të programeve të financimit, për vitin 2016”, për drejtimin “Stimulimi i zonave dhe poleve potenciale, cluster të zhvillimit”, në vlerën 3 100 000 000 (tre miliard e njëqind milion) Lekë, dhe
- b) Fondi i krijuar nga diferenca midis vlerave të projekteve të miratuara në vendimet e Komitetit për Zhvillimin e Rajoneve dhe vlerave të kontratave, pas lidhjes së kontratës, për projektet me cikël financimi 2015-2016, të grantit të infrastrukturës vendore dhe rajonale, në vlerën 230 000 000 (dyqind e tridhjetë milion) Lekë, sipas vendimit nr.22, datë 18.04.2016, “Për miratimin e financimit për vitin 2016, për disa projekte në vazhdim të grantit “Infrastruktura vendore dhe rajonale”.

ANEKSI 2:

DREJTIMET DHE KRITERET E APLIKIMIT DHE FINANCIMIT PËR DREJTIMIN “KOHEZIONI TERRITORIAL DHE ZHVILLIMI RAJONAL”, Granti 1: “Infrastruktura vendore dhe rajonale”

1. Drejtimi i thirrjes për financim është për:

- 1.1. Projekte të zhvillimit rajonal, të fokusuara në përmirësimin e infrastrukturës së ndëreveprimet ekonomik, që adresojnë një nevojë të zhvillimit social-ekonomik rajonal, përmirësojnë aksesin rajonal, ndër-rajonal dhe rivitalizimin e qendrave rajonale.

2. Kriteret e aplikimit dhe financimit, janë si më poshtë vijnë:

- 2.1. Aplikimi për financimin e projekteve të përmendura në pikën 2 të Vendimit dhe pikën 1, të këtij Aneksi, bëhet nga dy ose më shumë njësi të qeverisjes vendore, me marrëveshje partneriteti të lidhur midis tyre, si dhe nga Agjencia Kombëtare për Zhvillimin Rajonal, agjencitë për zhvillimin rajonal nr.1, nr.2, nr.3 dhe nr.4, Agjencia për Zhvillimin Ekonomik Rajonal dhe Fondi Shqiptar i Zhvillimit, me marrëveshje

¹ Përfashtim bëjnë projektet, që kanë marrë miratim në vitet paraardhëse, por që janë rishikuar për shkak të specifikave, të cilët mund të riaplikojnë për financim pranë FZHR, në këtë thirrje, ku vlera nuk kufizohet nga “tavan” sipas pikës 2.1. “a”.

partneriteti, të lidhur midis agjencisë/Fondit Shqiptar të Zhvillimit dhe dy ose më shumë njësi të qeverisjes vendore.

- 2.2. Në rastet e projekteve me disa përfitues nën skemat e partneritetit ndërvendor dhe rajonal ose në raste të tjera të veçanta, në marrëveshjen e partneritetit midis përfituesve caktohet autoriteti kontraktor që i propozohet Komitetit për Zhvillimin e Rajoneve për miratim. Komiteti miraton me vendim autoritetin kontraktor për zbatimin e projektit.

ANEKSI 3:

KALENDARI I AKTIVITETEVE, DREJTIMI “MBËSHTETJE PËR EKONOMINË”, Granti 3: “Mbështetje për ekonominë, dhe masa të tjera”

1. Hartimi i programit, përcaktimi i drejtimeve të financimit, dhe propozimi për miratim pranë Komitetit për Zhvillimin e Rajoneve, të bëhet jo më vonë se data 29 Maj 2016.
2. Hartimi i akteve nënligjore (VKM) për grantin, sipas aneksit 3/2, të ligjit nr.147/2015, “Për buxhetin e vitit 2016”, pika 1, gërma “a”, dhe paraqitja për miratim në Këshill të Ministrave, të bëhet jo më vonë se data 15 Qershor 2016.
3. Vendimi i Komitetit për Zhvillimin e Rajoneve, për shpërndarjen e Grantit 3: “Mbështetje për ekonominë, dhe masa të tjera”, të bëhet jo më vonë se data 20 Qershor 2016.
4. Të informohet Komiteti për Zhvillimin e Rajoneve, për ecurinë e procesit dhe pikave 1, 2 dhe 3, si më sipër.

**Shtojcë I: KALENDARI ME AFATET E APLIKIMIT DHE
VLERËSIMIT TË PROJEKTEVE**

Afati	Institucioni përgjegjës	Aktiviteti
Botimi në "Fletoren Zyrtare"	Komiteti për Zhvillimin e Rajoneve	Hapja e thirrjes për projekte të reja në grantin, programin dhe shtyllën e financimit, sipas pikës 1 dhe 2, të këtij vendimi.
29 Maj 2016 (afat për projektet e pikës 1)	Aplikuesit sipas Aneksit 1 të këtij vendimi, si më sipër.	Dërgimi e aplikimeve nga aplikuesit, si më poshtë vijon: 1. Aplikimi online në faqen elektronike të e-albania: Shërbimi: Aplikimi online për FZHR https://e-albania.al/sherbimi.aspx?kodi=7203 .
20 Qershor 2016 (afat për projektet e pikës 2)	Aplikuesit sipas Aneksit 2 të këtij vendimi, si më sipër.	Ose 2. Aplikimi me shkresë zyrtare (postë ose dorazi), ku dosja e plotë e aplikimit (në CD) dërgohet pranë sekretariatit teknik përkatës, si më poshtë vijon: a) Shtylla 1 - "Programi i zhvillimit të infrastrukturës vendore dhe rajonale", - granti 1: "Infrastruktura vendore dhe rajonale", sekretariati teknik pranë Ministrisë së Zhvillimit Urban Pranë Sekretariatit të Përgjithshëm për Zhvillimin e Rajoneve, në Kryeministri, <u>nuk dorëzohen dosjet e aplikimit, por vetëm pranë sekretariatit teknik.</u>
5 ditë pune nga mbyllja e aplikimit	Sekretariati teknik përkatës	Vlerësimi i projekteve të aplikuara, bëhet sipas pikës A, shtojca III.
	Sekretariati teknik përkatës	Sekretariati teknik paraqet zyrtarisht pranë Sekretariatit të Përgjithshëm listën e projekteve që propozohen për financim.
5 ditë pune nga përfundimi i vlerësimit nga sekretariati teknik	Sekretariati i Përgjithshëm i KZHR (Njësia e Zhvillimit dhe Planifikimit Strategjik)	Në bashkëpunim me sekretariatit teknik, organizon mbledhjen e Komitetit për Zhvillimin e Rajoneve

Shtojcë II:
FORMATI I APLIKIMIT PËR PROJEKTET
Ky format plotësohet për të gjitha projektet

Aplikuesi (*)	Përcaktohet automatikisht nga sistemi.
Data e aplikimit (*)	Përcaktohet automatikisht nga sistemi.
Titulli i projektit (*)	
Shtylla e Financimit (*)	Të përcaktohet për cilën shtyllë aplikohet. (sipas Aneksit 3 të Ligjit nr.147, datë 17.12.2015, "Për buxhetin e vitit 2016")
Programi i projektit (*)	Të përcaktohet për cilin program aplikohet. (sipas Aneksit 3 të Ligjit nr.147, datë 17.12.2015, "Për buxhetin e vitit 2016")
Granti i projektit (*)	Të përcaktohet për cilin grant aplikohet (sipas Aneksit 3 të Ligjit nr.147, datë 17.12.2015, "Për buxhetin e vitit 2016")
Data e fillimit të projektit (*)	
Data e mbarimit të projektit (*)	
Shtrirja hapësinore e projektit ☐ Lokal ☐ Ndërlokal ☐ Rajonal ☐ Ndër-rajonal	Në rastet kur aplikuesi është bashki shtrirja e projektit mund të jetë lokale ose rajonale kur projekti shtrihet në më shumë se një bashki. Në rastet kur aplikuesi është agjensi zhvillimi rajonal, shtrirja hapësinore do të jetë rajonale ose ndër-rajonale kur projektet i tejkalojnë kufijtë e rajonit aplikues. Për aplikimet, për projektet e pikës 2, të këtij vendimi, njësitë e qeverisjes vendore, duhet të bashkëngjisin në aplikim, edhe marrëveshjen e partneritetit të lidhur midis 2 apo më shumë bashkive. Për aplikimet, për projektet e pikës 2, të këtij vendimi, agjencitë aplikuese duhet të bashkëngjisin në aplikim, edhe marrëveshjen e partneritetit të lidhur midis tyre dhe 2 apo më shumë bashkive.
Përshkrimi i projektit (*)	Të bëhet përshkrim i detajuar i projektit të propozuar, duke përmblotur informacionin e mëposhtëm, por jo vetëm: - Vendndodhja e objektit të investimit; - Përshkrimi i kushteve të objektit ekzistues (nëse ka) dhe terrenit, si dhe nevojës për këtë projekt; - Përshkrimi i punimeve/ndërrhyrjeve të reja (sistem ngrohjeje, mur rrethues etj.) në objektin ekzistues (nëse ka); - Cilat janë problemet që adreson ky projekt dhe shkalla e ndikimit të tij; - Rrisqet për zbatimin e tij; Informacion i qartë në lidhje me pronësinë e tokës (nqs parashikohet ndërtimi i një objekti të ri), nëse krijon vonesa në zbatimin e punimeve, krijon kosto shtesë (kosto e shpronësimit), kush e mbulon koston e shpronësimit.
Qëllimi dhe objektivat (*)	Të paraqitet qëllimi i përgjithshëm i projektit si dhe objektivat specifike të tij.
Numri i përfituesve (*)	Të jepet numri i popullsisë që përfiton drejtpërdrejt dhe tërthorazi nga zbatimi i projektit në total. Vlera e dhënë të shoqërohet me shpjegim për secilën kategori përfituesi.
Rendi prioritar (*)	Në rastet e aplikimit të më shumë se 1 projekti për të njëjtin program, renditini projektet sipas prioritetit/nevojës për ndërrhyrje (numri 1 për shumë prioritar, numri 2 për më pak prioritar e kështu me radhë).

Qëndrueshmëria e projektit (*)	Të përshkruhet, nëse për këtë projekt aplikuesi parashikon dhe deklaron (në formular) se mbulon: - Koston për mirëmbajtjen e projektit, pas zbatimit të tij.
Fondet e kërkuara nga Fondi për Zhvillimin e Rajoneve (*)	Në rast se projekti nuk ka bashkëfinancim nga njësitë qendrore, njësitë vendore apo nga donatorë, kostoja që kërkohet është e njëjtë me koston totale të projektit.
Kontributi në rast bashkëfinancimi nga njësia e qeverisjes vendore	Paraqitni nivelin e bashkëfinancimit, në rast se projekti ka bashkëfinancim nga njësi qendrore, vendore, donatorë apo nga Fondi Shqiptar i Zhvillimit
Financim nga donatorë (opsionale, nqs ka donatore)	Të jepet vlera e bashkëfinancimit në monedhën lekë.
Kostoja totale e projektit (*)	
Projekti ka një analizë kosto-përfitim të cilësisë së mirë (Opsionale)	Po/Jo
Përmbledhje e analizës kosto-përfitim	Të paraqitet një përmbledhje e shkurtër e analizës kosto-përfitim, nëse ka një të tillë
Deklarime. (*)	Aplikanti deklaron se: i. projekti është gati për zbatim (pra nëse i disponon të gjitha dokumentet që nevojiten për zbatimin e tij) dhe koha kur mund të fillojë dhe të përfundojë procedura e prokurimit publik dhe kur mund të fillojë dhe të përfundojë zbatimin i punimeve; ii. Projekti është në listën e projekteve/nevojave të parashikuara nga institucioni përkatës, është pjesë e planeve vendore të zhvillimit, dhe/ose të investimeve. Me miratimin e financimit, autoriteti kontraktues siguron pajisjen me të gjitha lejet e nevojshme për zbatimin e projektit, sipas legjislacionit të fuqi. iii. Janë zbatuar cmimet e referencës dhe legjislacioni në fuqi për përlllogaritjen e koston dhe vlerës financiare të projektit.
Dokumentet teknike, etj. (*)	Të sqarohet nëse projekti përmban: - projektin teknik/projektin e zbatimit - preventivin - argumentimin teknik
Koordinatat e projektit (*)	Të hidhen koordinatat e vendodhjes së projektit, sipas sistemit të gjeoreferencuar, në formë teksti
Foto – Gjendja ekzistuese (*)	Imazhe në formatin .jpeg ose .pdf
Pamje 3 Dimensionale (*) i detyrueshem pervec programit Shqiperia Dixhitale	Imazhe në formatin .jpeg ose .pdf

SHËNIM: Dërgimi i Aplikimeve, sipas afatit:

1. Aplikimet për projekte duhet të dërgohen:

- Aplikimi online në faqen elektronike të e-albania. Shërbimi: Aplikimi online për FZHR (<https://e-albania.al/sherbimi.aspx?kodi=7203>.)
Ose
- Me shkresë zyrtare (postë ose dorazi), së bashku me dosjen e plotë të aplikimit të hedhur në CD, pranë sekretariatit teknik përkatës.

Shtojca III:

KRITERET E VLERËSIMIT TË PROJEKTEVE QË PROPOZOHEN PËR FINANCIM (Shtylla 1 e Financimit: Zhvillimi Vendor dhe Rajonal)

A. Kriteret e vlerësimit teknik për projektet

Këto kritere përdoren nga sekretariatet teknike për të vlerësuar teknikisht projektin dhe në bazë të tyre kryhet **vlerësimi, maksimalisht, me 90 pikë**. Kriteret 1, 2 dhe 3, detajohen në nënkriteret përkatëse teknike, nga sekretariati teknik i ngritur pranë Ministrisë së Zhvillimit Urban, sipas aneksit 3, të ligjit nr.147, datë 17.12.2015 ligjit nr.147/2015, “Për buxhetin e vitit 2016”.

Kriteret për vlerësimin teknik të projekteve janë, si më poshtë vijon:

1. Cilësia teknike dhe kostimi, vlerësimi financiar i projekteve të propozuara nga njësitë e qeverisjes vendore, ose agjencitë e zhvillimit. Ky kriter vlerësohet nga **0 deri në, maksimalisht, 20 pikë**.
2. Përputhja me drejtimit e thirrjes dhe vendimet e Komitetit për Zhvillimin e Rajoneve. Ky kriter vlerësohet me **0 deri në, maksimalisht, 20 pikë**.
3. Ndikimi i projektit në promovimin e potencialeve të qyteteve, lehtësimin e aksesit dhe ndërveprimin midis zonave urbane e rurale, promovimin e karakterit policentrik në qytetet e mëdha dhe pikat e interesit/referencë, nxitjen e zhvillimit të ekonomisë lokale dhe vlerës së shtuar, ndikimit në shërbimet publike ndaj qytetarëve dhe biznesit, cilësinë e jetës së qytetarëve dhe jetës komunitare, dhe zhvillimin ekonomiko-sociale, dhe aksesin dhe infrastrukturën e ndërveprimit ekonomik, etj. Ky kriter vlerësohet me **0 deri në, maksimalisht, 20 pikë**.
4. Niveli i ulët i riskut për zbatimin e projektit, bazuar në elemente të përshkrimit të projektit që orientojnë mbi riskun e mundshëm në prokurimin publik, zbatimin me sukses të projektit dhe përdorimin në kohë të fondeve publike. Ky kriter vlerësohet me **0 deri në, maksimalisht, 10 pikë**.
5. Qëndrueshmëria e investimit nga projekti, që lidhet me faktin nëse janë parashikuar kosto mirëmbajtjeje për projektin në vazhdimësi, të cilat do të merren përsipër nga institucioni aplikues. Ky kriter vlerësohet me **me 0 deri në, maksimalisht, 5 pikë**.
6. Niveli i bashkëfinancimit nga njësitë e qeverisjes qendrore apo vendore apo fondet e donatorëve. Ky kriter vlerësohet me **me pikë nga 0 deri në, maksimalisht, 5 pikë**.

B. Kriteret e vlerësimit të impaktit

Sekretariati i Përgjithshëm kryen vlerësimin e impaktit të përgjithshëm të projektit, **me pikë nga 0 deri në maksimalisht, 10 pikë**.

SHËNIM – Procesi i vlerësimit

1. Vlerësimi teknik, ligjor, dhe financiar i projekteve, në zbatim të Ligjit për buxhetin, dhe vendimeve të Komitetit për Zhvillimin e Rajoneve, kryhet nga sekretariati teknik, pranë Ministrisë së Zhvillimit Urban, sipas kriterëve teknike të përcaktuara në shtojcën III, bashkëlidhur vendimit.
2. Sekretariati teknik i paraqet Sekretariatit të Përgjithshëm të Komitetit për Zhvillimin e Rajoneve, listën e plotë të projekteve që propozohen për financim, në përfundim të procesit të vlerësimit.
3. Sekretariati i Përgjithshëm i Komitetit për Zhvillimin e Rajoneve, në bashkëpunim me sekretariatin teknik, merr masat për organizimin e mbledhjes së Komitetit për Zhvillimin e Rajoneve, sipas komunikimit zyrtar të sekretariatit teknik.